

ŒUVRES FRANÇOISES

DE

IOACHIM DV BELLAY

GENTIL-HOMME ANGEVIN

Avec une Notice biographique et des Notes

PAR

CH. MARTY-LAVEAUX

TOME SECOND




PARIS

ALPHONSE LEMERRE, ÉDITEUR

M. D. CCC. LXVII

1867



CONTRE VNE VIEILLE⁸⁶.

*Vieille plus vieille que le monde,
 Vieille plus que l'ordure immonde,
 Vieille plus que la Fieure blesme,
 Et plus morte que la Mort mesme,
 Plus que la Fureur furieuse,
 Et plus que l'Enuie enuieuse :*
*Tu es vne attise-querelle,
 Tu es forcierre, & maquerelle,
 Tu es hypocrite, & bigotte,
 Et tousiours ta bouche marmotte
 Le nè sçay quoy : tu es au reste
 Plus dangereuse que la peste.*
*Pour blesser vne renommee
 Auec ta langue enuemiee,
 Pour diffamer tout vn lignage,
 Pour troubler tout vn voysinage,
 Vn royaume, vne seigneurie,
 Il ne fault point d'autre Furie.*
*Et toutefois, vieille Gorgone,
 Toutefois, vieille Tysiphone,
 Tu oses bien porter enuie
 Aux doulx passetemps de ma vie,
 Et n'as honte, vieille prestresse,
 De t'accoster de ma maistresse.*
*Tousiours, vieille, tu la conseilles,
 Tousiours tu luy soufle' aux oreilles
 Quelque charme, pour en son ame
 Esteindre l'amoureuse flamme,
 Et pour empescher que la belle
 Ne m'ayme, comme ie fais elle.*
*Tu luy proposes l'infamie
 D'une faulse langue ennemie,
 La honte de son parentage,*